

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126133](#)

Ideò nihil movere nos debet, quod de annis puerilibus Servatoris nostri, nihil scriptum est. Prælectum Evangelium quasi compendium est omnium, quæ tempore illo cum ipso acta sunt. Cum enim factus esset annorum duodecim, ecce parentes ejus eum secum adduxerunt Hierosolymam, ubi gloriam suam ostendit. Sedebat enim in medio Doctorum non modò audiens eos, sed & interrogans, quomodo hoc & illud intelligerent, quod de Messia prædictum esset. Attramen cum eum parentes eju samissum in Templo invenirent, descendit cum ipsis Nazaretham, fuitque subditus illis. Proficiebat quoq; sapientia & ætate, & gratia apud Deum & homines.

Videbimus nos

- I. Triplicem Querelam.
- II. Triplicem Medelam.
- III. Triplicem Cautelam.

J. J.

Exegesis.

Hodierna Pericope non inconcinne Postilla domestica appellari potest, ex quâ quilibet lectionem suam discere potest. *Conjuges*, quomodo Dei cultum studiosè inviserent, amicè cohabitare, & crucem, quæ à Deo immittitur, conjunctim ferre debeant, hoc probatum est coram Deo & hominibus, Sir. 25. v. 1. *Parentes*, quomodo liberos suos ad Templum & Scholam mittere, & ab inuite ætate in disciplinâ & admonitione Domini educare debeant, Eph. 6. v. 4. *Liberi*, quomodo parentibus obsequium præsent, si benedictionem, quam Deus quarto præcepto annexuit, quod ejusmodi liberis benè

futurum sit, hic & in æternum, hæreditare velint, Eph. 6. v. 3.

In genere verò discant h̄c omnes Christiani, si cruce visitentur, & hoc ipso s̄pè in tantas angustias conjiciantur, ut non aliter opinentur, quam Christum se planè amilisse, quale remedium adhibendum sit. Nemp̄ ædem Domini frequentent, sollicitè eum quærentes, quem apparet amiserunt, nec dubitent, quin eum reperturi sint. Quia non repellat in sempiternum Deus, etiam si affligit, Thren. 3. v. 31. seqq.

Querela exhibet

I Parentum incuriam. Exemplum habemus in prælecto Evangelio. Josephus & Maria, cum puer suo duodecenni Paschatos Festum Hierosolymis celebraverant. Dum igitur domum revertuntur, sine dubio magno in comitatu eorum qui pariter ibidem sacris interfuerant, non studiosè filium suum observant, mater cum patre, & pater cum matre eundem esse opinantur: siquidem si Beda credimus, viri & mulieres seorsim iter fecerunt. Dum igitur vesperi in diversorio conveniunt, filiolum suum non adesse apprehendunt. In quantum mærorum & animi sollicititudinem conjecti tūm fuerint, optimi parentes, facile conjicere licet. Hic enim puerulus salus mundi erat, de quo Angelus ad Pastores Bethlehemiticos dixerat: Ecce annuncio vobis gaudium magnum, Luc. 2. v. 10. Hic B. Maria procul dubio recordata est, quæ hactenus de filio suo viderat & audierat, quod animi angorem magis in eā auxit.

Fit istud adhuc hodie, si rem consideraveris,

1. *In sensu literali.* Sæpè parentes tempore belli, ex improviso à militibus in fugam coniecti, liberos suos relinquere coguntur, *Jer. 47. v. 2. 3.* Multos secum in uitis parentibus militatum abduxerunt, & ita neci tradiderunt: reluctantes, vel elapsuros, contrà jus gentium ab arborebus suspenderunt, ut luctuosa ejusmodi exempla in propatulo sunt.

Idem fit, ubi Jesuitæ Reformationes suas instituunt. Quando enim Parentes à veritate Evangelicâ desciscere nolunt, liberos vi ipsis eripiunt, quibus alimenta illi procurare tenentur, ut ad idolo atriam educati, corpore & animâ pereant. Id quidem ejusmodi parentes graviter angit: attamen præstat, liberos relinquere, quam Christum abnegare, *Matth. 19. v. 29.*

2. *In sensu spirituali,* quam ratione Jesus noster sæpè amittitur

1. *In temptatione,* quando Deus nostrum oblitus, Christusque cum merito suo nihil ad nos attinere videtur, quod Job, David, Hiskias aliique Sancti experti sunt. Id B. Lutherus prægustum inferni, nec non infernum ipsum appellat. Nulla enim gravior afflictio in toto mundo est, quam si quem torrentes Belial conturbent, & periculum est, ne ab iisdem supereris, *Psal. 18. v. 5.*

2. *In persecutione.* Quando Christus propter fidem ingratitudinem & contumum verbi sui candelabrum moveret deloco suo, *Apoc. 1. v. 5.* & exit de templo, *Joh. 8. v. 89.*

Quot florentes Ecclesias Apostoli in Palæstinâ, Italâ, Græciâ, alibique locorum passim plantarunt? Sed ubi sunt illæ hodie? Nonne Machometes in Oriente, &

Anti-Christus in Occidente miserè omnia devastarunt, ut miserrimi illi Jesulum amiserint, & in operationem erroris incidunt, ut credere cogantur mendacio, quia ante charitatem veritatis non reperunt, *2. Thess. 2. v. 10.*

3. *In maledictione,* quando pacem, patrocinium, benedictionem tuam à nobis auferat Deus, & ex adverso maledictionem imminitt, ubi omnia sub manibus dilabuntur, juxta illud *Hagg. 1. v. 6.* Hinc ipse ait: Væ illis, ubi ego discello, *Oz. 9. v. 12.*

II. *Consequentem misericordiam.* Ubi enim Parentes Christi Filium suum non adesse vident, anxiè discurrentes querunt eum, primò in comitatu, deinde Hierosolymas revertuntur, inter cognatos & amicos eum inquirentes: prorsus vita acerba est, dum Filium inveniant. Verùm licet nullam non diligentiam adhibeant illi, tamen usque in diem tertium in hac animi perturbatione permanere coguntur, donec eum in medio Doctorum inveniunt, audiēt et interrogantem eos.

Idem piis Christianis adhuc hodiè non raro accidit, ut sub cruce constituti cum dolore querant, quem diligit anima sua, & non inveniant, *Cant. 3. v. 1.* Sæpè se dicto quodam Scripturæ involvit, & expectat, dum eum inveniamus, hinc David: Tibi dixit cor meum, querite faciem meam, faciem tuam Domine requiram, *Psal. 27. vers. 8.*

Has ejus horas & moras æquo animo feramus oportet, expectantes, dum hora auxilii adveniat, quæ accelerari nequit. Omnia enim ordinavit in numero, pondere & mensurâ, *Sap. 11. v. 22.* Quando igit-

igitur alicui crucem imponit, tempus suum habet, quo usque durare, habet mensuram suam, qualis esse, habet pondus suum, quam grave esse debeat: id omne impleri oportet dum constitutum suum terminum attingat. Hinc Christus ad Ananiam de Saulo: Ego ostendam illi, quanta oporteat eum pro nomine meo pati, Acto. 9. v. 16. Ita patienter nos expectemus, quod Deus immittere nobis decrevit, non dubitantes, quin ut fidelis ille est, non pauperus sit nos tentari supra id quod possumus, 1. Cor. 10. v. 13. Thren. 3. v. 31.

III. Naturalem ignorantiam, quae nobis omnibus connata est, ut non percipiamus ea, quae sunt Spiritus Dei, stultitia siquidem est nobis & non intelligimus, 1. Cor. 2. v. 14. Hic audimus, Mariam dum Filium suum in Templo in medio Doctorum repetit, eumque objurgat, quod se in scis remanserit, hocque ipso in hanc animi sollicitudinem conjecterit, ut usque in diem tertium eum querere cocta fuerit, hoc responsum ferre: Quid est, quod querebatis me? Nesciebatis, quia in his, quae Patris mei sunt, oportet me esse? Hoc sublimius erat quam ut capere potuerit. Interim omnia haec verba conservabat in corde suo.

Discimus huc, quomodo mysteria divina, quorum in Scripturis plurima occurunt, tractanda sint. Nempe quod ratione nostrâ assequi non possumus, non despicer, sed fide apprehendere debemus. Beati enim, qui non vident, & credunt, Ioh. 20. v. 29.

Audi B. Lutherum de Mysterio S. Cæ.

na dicentem: Mein lieber Herr Christ / es hat sich ein Streit erhoben / über deinen Stiftungs-Worten / und wollen etliche / sie sollen anders verstanden werden / als sie lauten. Aber / weil sie mich nichts gewisses lehren / sondern nur verwirren / und ihren Text in keinen Weg behaupten können / so bin ich blieben bey deinen Worten / wie sie lauten / ist etwas finster darinnen / so hast du es so finster haben wollen. Denn du hast keine andere Erklärung darüber gegeben / noch zu geben befohlen / so findet man auch in keiner Schrift noch Sprache / das / Ist / sol bedeut / und mein Leib / Leibes Zeichen heißen: wäre nun eine Finsternis drinnein / so wirstu mirs zu gute halten / ob ichs nicht treffe / wie du deinen lieben Aposteln zu gute hieltest / da sie dich in vielen Stücken nicht verstanden. Haecenus Lutherus.

Hæc ita optima ratio est, si literæ inhæramus, & rationem nostram captivemus in obsequium Christi, credentes contrā spem in spem, plenissimè scientes, quia quæcumque promisit Deus, potens quoque sit facere, Rom. 40. 21.

De Secundo.

Sequitur Medela, quæ fluit
1. Ex Jesuli amissi repertione. Joseph & Maria triduum discurrere & Filium suum querere cogebantur: tandem inveniebant illum, proptereaque magno gaudio supetfundebantur.

Ita